

ԱՐՄԻՆ՝ ՎԵԳՆԵՐ

1978 թ. մայիսի 17-ին Հոռմում, 92 տարե-
կան հասակում մահացավ գերմանացի անվանի
պրոֆ., բանաստեղծ ու հրապարակախոս, հումա-
նիստ, հայ ժողովրդի ազնիվ բարեկամ Արմին
Վեգները:

1915 թ. արևմտահայության գենոցիդի օրե-
րին Արմին Վեգները գտնվում էր Միջագետքի
ռազմաճակատում, Ֆոն դեր Գուցի բանակում,
որպես սանիտարական սպա: Նա միաժամանակ
գերմանական մի քանի թերթերի ռազմական
խղթակիցն էր: Վեգներն ականատես եղավ
արևմտահայության դանգվածային տարագրու-
թյանը և կոտորածներին, զաղտնորեն գրի առավ
իր տպավորություններն ու լուսանկարեց երկու
հազարից ավելի դժոխային տեսարաններ: Նա
խորապես ապրում էր հայ ժողովրդի անասելի
ողբերգությունը:

Իր հուշերում, նկարագրելով Պոլսից դեպի
Բաղդադ անցած ճանապարհը, Ա. Վեգներն
ընդգծում էր. «Ամեն անգամ, դադարի ժամա-
նակ, երբ առիթ էր լինում, հեռանում էի մեր
թուրք և գերմանացի ուղեկիցներից, դիմում մո-
տակա հայ տարագիրներին և ջանում գո-
տեպնդել նրանց, բայց մի քիչ դեղորայք բա-
ժանելուց բացի ուրիշ բան չէի կարող անել:
Հալեպի մոտ, բծավոր տենդից մահացած հար-
յուրավոր կանանց և երեխաների դիակները
ծածկում էին դաշտերը»: Այնուհետև Վեգները
պատմում է, որ Հալեպի կուսակալը հեռագրում
է Պոլիս, ներքին գործերի նախարար Թալեաթ
փաշային. «Հալ տարագիրների կարավանները
Հալեպ հասան: Ի՞նչ պետք է անել»: Թալեաթը
պատասխանում է. «Տեղահանության նպատակը
ոչնչացումն է»:

Նկարագրելով արևմտահայ տարագիրների
մասսայական սովամահությունը, Վեգները գրում
էր, որ գերմանացիները, թուրքերի աչքին կաս-
կածելի չերևալու համար չէին մոտենում հա-
յերին, որովհետև հայերի վիճակով հետաքրքր-
վող ամեն անձ անվստահություն էր ներշնչում
նրանց: «Անձնական վտանգը անտեսելով,—
շարունակում է նա,— ես միշտ հայերի հեռ-
քերին կհետևեի. առանց, սակայն, մեծ բան
կարենալ անելու: Անմխիթար կարտասովեի
նրանց ցավերով, ամոթով կհեռանայի այդ
վայրերեն, ներքնասյես աճիժելով մարդկային
անգթությունը»:

1916 թ., երբ Վեգները Հալեպի վրայով Պո-
լիս վերադարձավ, գրեց հետևյալ տողերը.
«Տասնյակ հաղարավոր տարագիրներեն, որոնք
ձրթի ճանապարհիս վրանների տակ տեսած էի,

մի քանի հարյուրներ էին միայն մնացել: Անա-
պատի մեջ՝ դիակներ և դիակներ»:

Վերադառնալով Գերմանիա, Վեգները բողոքի
հողիվածներ տպագրեց գերմանական թերթերում,
հանդես եկավ մի շարք ղեկուցումներով, որոն-
ցում նա նկարագրում էր թուրք բարբարոսների



ուճրագործությունները, ցուցադրում չարդերի
զարհուրելի տեսարանները պատկերող իր նկա-
րահանումները:

Վեգներն իր բողոքի ձայնը միացրեց Անա-
տոլ Ֆրանսի, Վիկտոր Բերարի, Բրայսի, Ռե-
մեն Ռուանի, Մաքսիմ Գորկու, Յուրի Վեսե-
լովսկու, Վալերի Բրյուսովի, Լեպսիսուսի, Նան-
սենի և այլ հումանիստների ձայնին:

Մի խումբ գերմանական առաջադեմ գործիչ-
ներ, այդ թվում Արմին Վեգները, հանդես եկան
կոչով, որով դիմում էին կայսերական կառա-
վարությանը, վերջինիս առաջարկելով ներգոր-
ծել երիտթուրքական ղեկավարների վրա՝ հա-
լերի գազանային ոչնչացմանը վերջ դնելու հա-
մար: Հիշյալ կոչը բռնագրավվեց գերմանական
իշխանությունների կողմից: Ա. Վեգները, չվա-
խենալով թուրքական և գերմանական իշխա-
նությունների հետապնդումներից, բաց նամա-
կով դիմեց Ամերիկայի Միացյալ Նահանգների
պրեզիդենտ Վուդրո Վիլսոնին՝ նկարագրելով
արաբական անմարդաբնակ անապատը տա-
րագրված հայերի աղետալի վիճակը: Նամակը

հրատարակվեց առանձին գրքույկով և արտատպվեց եվրոպական բազմաթիվ թերթերում: Վեգները նկարագրում էր թուրքերի վայրագությունները, տարագիր հայերի անասելի տանջանքները, զանգվածային ջարդերի տեսարանները:

Արմին Վեգների գրչին է պատկանում «Անդարձ ճանապարհ» խորագիրը կրող բանաստեղծությունների ժողովածուն, որը նվիրված է հայկական ջարդերին: Նա ունի նաև հայկական հարցին վերաբերող մի շարք անտիպ աշխատություններ, որոնց մի մասը, որքան մեզ հայտնի է, տպագրության է պատրաստվում Արևելյան Գերմանիայում:

1927 թ. Արմին Վեգներն իր կնոջ հետ գալիս է Մոսկվա՝ մասնակցելու Հոկտեմբերյան սոցիալիստական հեղափոխության տասնամյա հոբելյանի տոնակատարությանը: Մոսկվայից հետո նա այցելում է Երևան, որտեղ մնում է ամբողջ երկու ամիս: Երևանում Վեգներն ուսումնասիրում է սլավոնական հուշարձանները, մոտիկից ծանոթանում և ոգևորվում վերածնված ժողովրդի նվաճումներով: Նա նյութեր է հավաքում հայերի մասին չոր աշխատություններ գրելու համար, Երևանում հանդես է գալիս գերմանական գրականության տարբեր հարցերին նվիրված մի շարք դասախոսություններով:

Գերմանիայում ֆաշիզմի արյունալի տիրապետության հենց առաջին տարին Արմին Վեգները նետվեց բանտ: Նրա գրքերը, մյուս առաջադեմ գործիչների գրքերի հետ, հրապարակայ-

նորեն հրկիզվեցին: Բավական ժամանակ Վեգների անունը անհետացավ հրապարակից, լուր տարածվեց, որ նա զոհ է զնացել ֆաշիստական տեռորին: Միայն 1952 թ. պարզվեց, որ Հովհաննես Զիլբերտ անունով գրողն ինքը Վեգներն է, որը երկրորդ համաշխարհային պատերազմի տարիներին ֆաշիզմի ճիրաններից փրկվելու համար գաղտնի անցել էր Անգլիա: Պատերազմից հետո Վեգներն Անգլիայից տեղափոխվում է Իտալիա և մշտական բնակություն հաստատում Հռոմում:

Ա. Վեգները երկրորդ անգամ Հայաստան եկավ 1968 թ.: Երևանում հանդիսավորությամբ նշվեց հայ ժողովրդի անկաշառ բարեկամի 80-ամյակը: Նա այցելեց Եղեռնի հուշարձանը և ծնկաչոք խոնարհվեց նրա առջև: Վեգները դասախոսություններ կարդաց Երևանի պետական համալսարանում, մի շարք հանդիպումներ ունեցավ հայ մշակույթի գործիչների հետ, եղավ էջմիածնում, Մատենադարանում, Գառնի-Գեղարդում և այլ տեսարժան վայրերում:

1922 թ. Արմին Վեգները մեկնում է Ամերիկայի Միացյալ Նահանգներ, որտեղ նա հալ ժողովրդի ողբերգական անցյալին և վերածնված, ծաղկուն ներկային նվիրված դասախոսություններ է կարդում մի շարք համալսարաններում և հայկական շրջանակներում: Հայ ժողովուրդը միշտ վառ կպահի Արմին Վեգների անմար հիշատակը:

Պրոֆ. Ե. Ղ. ՍԱՐԳՍՅԱՆ